

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

INGURUMEN ETA HIRIGINTZA SAILA

170/2019 Foru Agindua, uztailaren 3koa, zeinaren bidez interes publikoaren deklarazioa ematen baitzaio lekorako 1 poligonoko 496 lurzatiko lurzoru urbanizaezinean harguneetarako lau zutoin jartzeko proiektuari. Banda zabaleko belaunaldi berriko sareak jartzeko programaren barruan dago obra, eta Telefónica España SAUk sustatu du

Telefónica de España SAUk baimena eskatu dio lekorako Udalari San Bartolome kaleko 11 eta 13 zenbakietan eta Lantziegoko bidea kaleko 8 zenbakian harguneetarako lau zutoin jartzeko; hain zuzen ere, lekorako 1 poligonoko 496 lurzatian. Herri horretako banda zabaleko belaunaldi berriko sareak jartzeko programaren barruan dago obra.

lekorako Udalak espedientea bidali du, eta eskatu du izapidetu dadila proiektuaren interes publikoaren adierazpena, Lurzoruari eta Hirigintzari buruzko ekainaren 30eko 2/2006 Legeak, 28.5.a) artikuluan xedatutakoa betetzeko.

Espedientean dago Telefónica SAUk igorritako proiektu teknikoa, zeinak 2019/7933364 erreferentzia duen, eta baita udal arkitektoak eginiko txostena ere, zeinetan adierazten baita lurzatia lurzoru urbanizaezinean dagoela, nekazaritzako, abeltzaintzako eta landa zabaleko eremuan, udalerrian indarrean dauden arau subsidiarioetan aurreikusitakoarekin bat etorritik, eta inguruan gasodukto bat dagoela.

ONARRI JURIDIKOAK

Ingurumen eta Hirigintza Sailak eskumena du aztertzen ari den espedientea ebazteko, diputatu nagusiaren uztailaren 3ko 133/2015 Foru Dekretuaren arabera eta sailaren egitura organiko eta funtzionala onetsi zuen Diputatuen Kontseiluaren otsailaren 9ko 17/2016 Foru Dekretuko 18.c) artikuluan xedatutakoaren arabera.

Lurzoruari eta Hirigintzari buruzko ekainaren 30eko 2/2006 Legeak 28.5.a) artikuluan xedatzen duenez, lurzoru urbanizaezinean ezingo dira gauzatu aplikatzekoa den arloko legediak edo lurralde antolamenduak interes publikoa aitortzen dien zuzkidura, ekipamendu eta jarduerak berariaz ezartzeko jardunak baizik, zeinak, betiere, dagokion foru diputatuak ebazpen bidez izendatu behar baititu interes publikoko, hoguei egunez jendaurrean edukitzeko izapidea bete ondoren.

Maiatzaren 17ko 120/2019 Foru Aginduaren bidez, xedatzen da espedienteari hasierako onepena ematea eta hura 20 egunez jendaurrean edukitzeko aldia irekitzea ALHAOn argitaratu eta hurrengo egunetik aurrera. Hain zuzen ere, espediente hori 2019ko maiatzaren 29ko ALHAOn (62 zenbakia) argitaratu zen, eta zen inolako alegaziorik aurkeztu horretarako eman zen epean.

Telekomunikazioei buruzko maiatzaren 9ko 9/2014 Lege Orokorrek 2. artikuluan ezarritakoaren ondorioz datorkio interes publikoa aztertutako kasuari. Artikulu horretan ezartzen denez, "Telekomunikazioak interes orokorreko zerbitzuak dira eta lehia askearen araubidean ematen dira". Bestalde, 34.2 artikuluan hau xedatzen da: "komunikazio elektronikorako sare publikoak oinarrizko ekipamenduak dira (...). Haiek jartzea eta hedatzea interes orokorreko obrak dira".

lekorako udaleko planeamenduko arau subsidiarioek haien "Zona bakoitzean baimendutako erabilera eta jarduerak" 137. artikuluan, "Erabilera publikoko eta gizarte intereseko azpiegiturak" puntuan, jasotzen dute ezen lurzoru urbanizaezineko zona guztietan instalatu daitezkeela, salbu eta 7. zonan eta organo eskumendunak egoki jotzen ez dituen zonetan; gainera,

dio baimena eman ahal izango dela legez ezarritako prozedura baten bidez landa ingurunean kokatu behar diren erabilera publikoko eta gizarte intereseko eraikin eta instalazioak jartzeko.

Instalazioak kokagune izango duen lurzatia 6. zonan dago, eta azpiegiturak berak dituen ezaugarriengatik jarri behar da landa ingurunean.

Horregatik guztiagatik, dagozkidan ahalmenak erabiliz, honako hau

XEDATZEN DUT

Lehenengoa. Interes publikokotzat jotzea Telefónica de España SAUk sustatutako eta lekorako Udalak izapidetutako proiektua. Egin nahi dena da harguneetarako lau zutoin jarri San Bartolome kaleko 11 eta 13 zenbakietan eta Lantziegoko bidearen kaleko 8 zenbakian; hau da, lekorako 1 poligonoko 496 lurzatian, bat etorritz indarreko arau subsidiarioek eta Lurzoru eta Hirigintzaren ekainaren 30eko 2/2006 Legearen 28.5.a) artikuluan xedatutakoarekin. Herri horretako banda zabaleko belaunaldi berriko sareak jartzeko programaren barruan dago obra, eta Telefónica España SAUk sustatu du.

Bigarrena. Deklarazio honek ez du kentzen proiektua gauzatzeko udalaren baimen egokia lortzeko beharra, eta ez du aurretik juzgatzen udalak eman behar duen ebazpenaren edukia.

Hirugarrena. Interes publikokoa dela adierazteak ez du administrazio bidea amaitzen, ez eta horrek aurrera egin dezan eragozten ere. Beraz, ez dago haren aurkako errekurtsorik aurkezterik. Udalak, dagokion administrazio egintza emateko eskumena duen organoa den aldetik, baimena emateko edo ukatzeko hartzen duen ebazpenaren aurka bakarrik jarri ahal izango da errekurtsua.

Gasteiz, 2019ko uztailaren 3a

Hirigintza eta Ingurumen Saileko foru diputatua
JOSEAN GALERA CARRILLO